
ÁRSSKÝRSLA FÍLA 2016-2017

ÁRSSKÝRSLA FÍLA 2016-2017

lögð fram á 39. aðalfundi Félags íslenskra landslagsarkitekta
fimmtudaginn 30. mars 2017

Hönnunarmiðstöð – Aðalstræti 2 – 101 Reykjavík

Efnisyfirlit

1. Félagið og verkaskipting.....	3
2. Stjórnarfundir FÍLA.....	6
3. Félagsfundir FÍLA.....	6
4. IFLA Europe.....	6
5. Fulltrúaráð FÍLA.....	6
6. Félagsmenn og nýliðun.....	6
7. Samkeppnisreglur FÍLA og samkeppnismál.....	7
8. Kynningarmál.....	7
9. Hönnunarmál og verðlaun.....	7
10. Viðburðir.....	7
11. Framtíðarsýn og næstu verkefni.....	8
12. Viðaukar:.....	10
• SKÝRSLA DAGSSKRÁRNEFNDAR 2016-2017.....	11
• Laganefnd FÍLA.....	12
• Skýrsla fyrir starfsárið 2016-2017.....	12
• SKÝRSLA SAMKEPPNISNEFNDAR 2016-2017.....	13
• SKÝRSLA MENNTANEFNDAR 2016-2017.....	15
• SKÝRSLA FULLTRÚA FÍLA Í RITNEFND LANDSKAP 2016-2017.....	15
• SKÝRSLA IFLA FULLTRÚA 2016-2017.....	16
• Hönnunarmiðstöð Íslands 2016 - 2017.....	18
• GARÐSÖUGHÓPUR FÍLA.....	20
• ORÐANEFND FÍLA.....	21
• Skýrsla siðanefndar FÍLA 2016-2017.....	21

Stjórn FÍLA

Berglind Guðmundsdóttir, formaður

Lilja Kristín Ólafsdóttir, ritari

Guðrún Birna Sigmarsdóttir gjaldkeri

Þórhildur Þórhallsdóttir, meðstjórnandi

1. Félagið og verkaskipting

Aðalfundur er æðsta vald í öllum málefnum félagsins.

A. Skipan stjórnar

Stjórn og verkaskipting

Stjórn 2016-2017:

Berglind Guðmundsdóttir, formaður

Lilja Kristín Ólafsdóttir, ritari

Guðrún Birna Sigmarsdóttir, gjaldkeri og fulltrúi FÍLA í Hönnarmiðstöð

Pórhildur Þórhallsdóttir, meðstjórnandi og IFLA-fulltrúi

B. Fastanefndir – hlutverk, markmið og skipan starfsárið 2016-2017

Kallað var eftir skýrslum nefnda og eru þær sem bárust í viðauka aftast í skýrslu stjórnar.

Dagskrárnefnd:

Skipuleggja og sjá um faglegt innra starf félagsins. Setja upp dagskrá fyrir starfsárið og útvega gestafyrirlesara inn á félagsfundum ofl. tengt þeim.

Nefndina skipa:

Ólafur Gylfi Gylfason

Heiðar Smári Harðarsson

Gunnar Óli Guðjónsson

Samkeppnisnefnd:

Annast tengslamál innan félagsins og utan og kynnir stöðu þess og störf landslagsarkitekta. Samkeppnisnefnd fer með umboð félagsins í samkeppnum á vegum þess.

Nefndina skipa:

Hlín Sverrisdóttir, formaður

Inga Rut Gylfadóttir

Ólafur Melsted

Laganefnd:

Fjallar um breytingar á lögum FÍLA auk þess að fjalla um lagaleg erindi sem berast FÍLA og varðar lög og reglugerðir frá Alþingi og stofnunum samfélagsins.

Nefndina skipa:

Svanhildur Gunnlaugsdóttir, formaður.

Margrét Sigurðardóttir.

Ingvar Ívarsson

Menntanefnd:

Nefndin fer með menntamál landslagsarkitektastéttarinnar, umsjón með inntöku nýrra félaga í FÍLA. Heldur tengsl við helstu menntastofnanir sem mennta landslagsarkitekta.

Nefndina skipa:

Sigurbjörg Ósk Áskelsdóttir

Ragnar Frank
Fríða Björg Eðvarðsdóttir

C. Nefndir um afmörkuð málefni.

Siðanefnd:

Fer með siðferðileg álitamál sem upp koma. Sker úr um ágreining samkvæmt ákvæðum siðareglna félagsins.

Nefndina skipa:
Sigurbjörg Ósk Áskelsdóttir, formaður
Þórólfur Jónsson
Guðmundur Rafn Sigurðsson
Áslaug Traustadóttir

Orðanefnd:

Safnar og setur í orðabanka fagorð á sviði landslagsarkitektúrs, er tengiliður FÍLA við Íslenska málstöð og Orðabók Háskólans.

Nefndina skipa:
Auður Sveinsdóttir, formaður
Yngvi Þór Loftsson
Áslaug Trausadóttir

Skoðendur reikninga FÍLA:

Samkvæmt lögum félagsins.

Skoðendur starfsárið 2016 – 2017
Finnur Kristinsson
Þórólfur Jónsson

D. Vinnuhópar / verkefnastjórnun:

HönnunarMars 2017

Ekki var skipaður verkefnisstjóri FÍLA fyrir HönnunarMars 2017 þar sem FÍLA var ekki með sérstaka dagskrá þetta árið.

Xland.is

Umsjón og uppfærsla á sérstakri heimasíðu í eigu FÍLA sem kynnir verkefni félagsmanna.

Vinnuhópurinn starfsárið 2016-2017:
Heiða Aðalsteinsdóttir
Svava Þorleifsdóttir

Netumsjón og heimasíðan

Ritari FÍLA hefur undanfarið ár séð um heimasíðu og netumsjón.

Evrópski landslagssáttmálinn (ELC)

Tengiliður félagsins við stjórnvöld og opinberar stofnanir vegna kynningar á sáttmálanum.

Fulltrúar starfsárið 2016-2017:
Einar E. Sæmundsson

Auður Sveinsdóttir

Garðsöguhópur.

Vinnur að því að skapa grundvöll til rannsókna á sögu garðsins á Íslandi, heimildasöfnun og leit að fjármunum til að rita hana. Hefur samskipti við Minjastofnun varðandi varðveislu og friðun garða samkvæmt lögum um minjavernd.

Fulltrúar starfsárið 2016-2017

Einar E. Sæmundsen

Samson B. Harðarson

Ásta Camilla Gylfadóttir

Þórhildur Þórhallsdóttir

Auður Sveinsdóttir

Arnar Birgir Ólafsson

Fulltrúar í ritstjórnnum.

Fulltrúi í faghópi sem styður við ritstjórn HA – tímarit um hönnun og arkitektúr

Fulltrúar starfsárið 2016-2017:

Svava Þorleifsdóttir

Fulltrúi FÍLA í ritstjórn danska tímaritsins Landskab

Fulltrúar starfsárið 2016-2017:

Ulla R. Pedersen

E. Fulltrúar í FÍLA í stjórnnum utan félags

IFLA - Fulltrúi

FÍLA hefur frá upphafi tekið þátt í alþjóðlegu samstarfi landslagsarkitektafélaganna, þ.e. IFLA Europe og IFLA International. IFLA-fulltrúi FÍLA er Þórhildur Þórhallsdóttir og er hún tengiliður félagsins við IFLA og IFLA Europe. Situr samkvæmt lögum félagsins einnig sem meðstjórnandi í stjórn FÍLA.

Fulltrúi FÍLA í Hönnunarmiðstöðinni

Hönnunarmiðstöð Íslands var sett á laggirnar 15. janúar 2008. Hönnunarmiðstöð er sameiginlega í eigu hönnunarfélaganna á landinu. Mikil gróska hefur verið í starfsseminni frá stofnun þess. Fulltrúi FÍLA er Guðrún Birna Sigmarsdóttir sem hefur séð um tengsl félagsins við Hönnunarmiðstöðina og situr jafnframt sem gjaldkeri í stjórn FÍLA.

Sveinsprófsnefnd í skruðgarðyrkju við starfsmenntunarábraut LBHÍ

Hefur umsjón með undirbúningi og fyrirkomurlagi sveinsprófa.

Fulltrúi starfsárið 2016-2017

Elísabet Guðný Tómasdóttir

Óeigingjörn félagsstörf

Samtals störfuðu á stafsárinu í stjórn, nefndum og ýmsum vinnuhópum alls 34 einstaklingar í sjálboðaliðastörfum fyrir hönd FÍLA. Það hlýtur að vera nokkuð hátt hlutfall félagsmanna borið saman við önnur fagfélög. Þessir einstaklingar eiga mikinn heiður skilið fyrir vel unnin störf á starfsárinu 2016-2017. Án þessara starfkrafta væri félagið okkar ekki eins öflugt og raun ber vitni.

2. Stjórnarfundir FÍLA

Haldnir voru samtals 14 fundir á starfsárinu (nú árið 2015 og fimm árið 2016). Þetta eru svipað margir fundirog á fyrra starfsári. Stjórnarfundir eru þó sjaldnar yfir sumartímann og vonum við að stjórnarfolk og aðrir félagsmenn geti safnað kröftum yfir sumarið.

3. Félagfundir FÍLA

Samtals voru haldnir 3 almennir félagfundir á starfsárinu.

- 8. desember var haldinn jólafundur FÍLA
- 19. janúar var haldinn rýnifundur vegna samkeppni um framtíðarnýtingu lands og bygginga í Gufunesi.
- 16. febrúar var haldinn fundur um störf Garðsöguhóps FÍLA Síðan er verið að undirbúa vísindaferð hjá Landsvirkjun í ágúst og skoðunarferð til Kaupmannahafnar í haust.

Sjá nánar skýrslu dagskrárnefndar.

4. IFLA Europe

Sjá skýrslu IFLA-fulltrúa FÍLA.

5. Fulltrúaráð FÍLA

Fulltrúaráð FÍLA var boðað til fundar 29. september 2016, en þessi vettvangur hefur verið nýttur sérstaklega síðast liðin fjögur ár í störfum félagsins. Hann er skilgreindur sértaklega í lögum félagsins, en þar stendur:

“Formenn nefnda skipa fulltrúaráð FÍLA sem hittist einu sinni á ári með stjórn til þess að samræma starfsemi FÍLA. Nefndirnar skulu starfa samkvæmt starfsreglum sem stjórn FÍLA ákveður í samráði við viðkomandi nefnd. Starfsreglur skulu staðfestar á félagfundum.”

Þetta er mikilvægur vettvangur til að móta stefnu félagsins og leggja línurnar innan félagsins og í samskiptum út á við. Á þessum fundi voru kynnt störf stjórnarinnar og hvað væri framundan á vegum félagsins.

6. Félagsmenn og nýliðun

Félagsmenn í FÍLA við lok starfsársins 2016-2017 eru samtals 100. Tvær úrsagnir voru úr félaginu. Fjöldi fullgildra félagsmanna án undanþága er 73 (þ.e. þeir sem greiða C og D-gjald teljast ekki með í þeirri tölu og telst vera opinber fjöldi félagsmanna FÍLA innan IFLA). Neðargreindar upplýsingar hér í töflunni fyrir árið 2017 miðast við 29. mars 2016.

Skipting:	2017	2016	2015	2014	
• A-gjald er fullt félagsgjald	69	67	67	68	félagsmenn
• B-gjald er 80% af fullu félagsgjaldi og um það geta sótt félagar sem eru búsettir í lengra en 100 km fjarlægð frá höfuðborgarsvæðinu.	4	4	2	2	félagsmenn
• C-gjald er 50% af fullu félagsgjaldi. Um það geta sótt: <ul style="list-style-type: none"> - félagar sem eru búsettir erlendis. - nýir félagar fyrstu tvö árin eftir útskrift. - félagar sem vegna sérstakra aðstæðna, sem stjórn telur gildar, hafa þörf fyrir lækkun árgjalds. 	12	15	12	10	félagsmenn
• D-gjald er 20% af fullu félagsgjaldi og er fyrir námsmenn.	12	13	13	15	félagsmenn
• Heiðursfélagar og félagar 65 ára og eldri , er hafa verið a.m.k. 10 ár í félaginu, eru undanþegnir félagsgjaldi.	3	3	2	2	félagsmenn

Nýir fullgildir félagsmenn:

Tinna Rut Pétursdóttir

Útskrifaðist frá NMBU nóvember 2015. Fær löggildingu 15.03.2016

Hildur Dagbjört Arnardóttir

Útskrifaðist frá UMB júlí 2013. Fær löggildingu 11.07.2016

7. Samkeppnisreglur FÍLA og samkeppnismál

Ein samkeppni var í gangi á vegum Fíla á liðnu starfsári. Samkeppnisreglur FÍLA og þær vinnureglur sem þar hafa skapast með forvali, hafa leitt til þess að sveitarfélög hafa notast við þessa aðferðafræði í öðrum samkeppnum. Samkeppnir hafa skapað FÍLA ákveðnar tekjur og það mun vonandi verða svo áfram. Sjá nánar skýrslu samkeppnisnefndar.

8. Kynningarmál

- **Heimasíða FÍLA**

Heimasíðan er lykill að upplýsingum um hvað félagið hefur að bjóða bæði almennum notanda og félagsmönnum. Ritari Fíla hefur séð um að koma fréttum og málefnum þar inn. Hægt væri að nýta síðuna ein frekar og auka upplýsingaflæði til félagsmanna. Hugmynd innan stjórnar er að fá aðila innan félagsins til að sjá um síðuna og þannig auka virkni hennar. Frá fyrra starfsári var nefnt að hægt væri að auka tekjur félagsins með því að setja inn auglýsingar á síðuna en stjórn hefur lítið unnið í þeim málum sem er þó tækifæri.

- **Ritnefndafulltrúar FÍLA og nýtt tímarit um hönnun og arkitektúr HA**

Búið er að gefa út tölublað 3 og 4 á þessu starfsári. Svava Þorleifsdóttir er fulltrúi FÍLA í ritstjórn HA! . Það hefur áfram verið barátta að fá greinar félagsmanna inn í blaðið og vinnubrögðum og samskiptum ritstjóra og þriggja manna ritstjórnar hefur verið nokkuð ábótavant. Fíla skuldbatt sig með samningi að taka þátt í fyrstu 4. tölublöðunum, en ákveðið var að segja upp þessum samningi til að ýta við ritstjórn að vinnu við útgáfu þessa blaðs þurfi að endurskoða. Enn er blaðið ekki rekið á 0 og finnst stjórn Fíla að það sé ekki ásættanlegt. Sjá nánar upplýsingar í ársreikningi FÍLA og kynningu gjaldkera á fjármálum FÍLA.

- **Ritnefnd Landskab**

Sjá nánar skýrslu fulltrúa FÍLA í ritstjórn Landskab

9. Hönnunarmál og verðlaun

- **Hönnunarmiðstöð Íslands**

Hún er kynningar- og upplýsingamiðstöð fyrir íslenska hönnun á Íslandi og erlendis. Íris Reynisdóttir var kosin fulltrúi FÍLA í stjórn miðstöðvarinnar. En vegna veikinda sá hún sér ekki fært að halda starfi áfram og tók Guðrún Birna Sigamarsdóttir sæti hennar. Sjá nánar skýrslu fulltrúa FÍLA í Hönnunarmiðstöð.

- **Hönnunarsjóður Íslands**

Engin úthlutun til félagsmanna á þessu starfsári.

10. Viðburðir

- **málþing FÍLA og AÍ 2016 –Ferðamannastaðir 360°**

Stjórn FÍLA og AÍ stóðu fyrir málþingi 10. Nóvember 2016 sem var í húsi Íslenskrar erfðagreiningar.

Á málþinginu voru ferðamannastaðir skoðaðir frá sjónarhorni m.a. hönnuða, fræðslufulltrúa, verkefnastjóra, leiðsögumans, ferðamanns og bæjarstjóra. Með málþinginu vildu félagin hvetja til umræðu um hönnun ferðamannastaða í víðu samhengi allt frá lögum um landsáætlun um uppbyggingu innviða fyrir ferðamenn, stefnumótunar sveitarfélaga, reynslu leiðsögumanna ásamt skipulagi og hönnun ferðamannastaða. Gefin var úr sérstaku málþingsbæklingur með styrktarlínunum og hefur skapast hefð fyrir því að vinna slíkann bækling.

11. Framtíðarsýn og næstu verkefni

Það hefur verið erilsamt - sem og skemmtilegt starfsárið hjá FÍLA 2016 - 2017. Haldnir hafa verið á tímabilinu skráðir 14 stjórnarfundir og þar af fimm á þessu ári.

Það helsta má nefna að Hönnunarmiðstöðin fluttist úr Vonarstrætinu í glæsilegt húsnæði að Aðalstræti 2. Þar eru 9 aðildarfélög samankomin og nú reynir á samstarfið.

Við erum með fulltrúa okkar í stjórn Hönnunarmiðstöðvar og situr hinn sami í stjórn FÍLA til að búa til samtal þarna á milli. Íris Reynisdóttir var fulltrúi okkar þarna inni, en hún yfirgaf okkur í stjórninni núna í vetur og hefur Guðrún Birna setið í hennar stað.

Kollegar okkar í Danmörku buðu stjórnnum norrænu aðildarfélaganna til Kaupmannahafnar á sameiginlegan stjórnarfund og einnig félagsmönnum öllum til veglegrar afmælishátíðar þar sem Danir tóku á móti okkur með sannkölluðum myndarskap.

Þetta var virkilega fræðanda og inspererandi ferð og kom það í ljós að frændur vorir hafa sannarlega látið til sín taka í skipulagsmálunum þar sem þeir hafa með undraverðum hætti má. Náð að breyta iðnaðarhverfum borgarinnar í framsækin íbúðarhverfi þar sem græn svæði og útirými hafa verið hönnuð og byggð samhliða húsbýggingunum sjálfum.

Í nóvember var haldið málþing í húsakynnum íslenskrar erfðagreiningar um hönnun ferðamannastaða. Málþingið hét: *Ferðamannastaðir 360 ° Málþing í víðu samhengi*. Þetta var einstaklega vel heppnað málþing og gaman að var að sjá hversu mörg sjónarhorn voru á viðfangsefnið.

Það hafa verið haldnir 4 félagsfundir á tímabilinu, við byrjuðum á því að fara í vísindaferð austur fyrir fjall sl. vor og má segja að sú ferð hafi fylgt mér frá dagsskrárnefndinni því ég var formaður í þeirri nefnd áður en ég tók við formennsku FÍLA.

jólafundurinn var haldinn 8. desember og þann 19. janúar 2017 var rýnifundur haldinn hér í HS vegna samkeppninnar í Gufunesi. Mjög skemmtilegur garðsögufundur var haldinn núna í febrúar með góðri þátttöku félagsmanna.

Í smíðum er frumvarp til breytinga á mannvirkjalögum nr. 123/2010 og hefur það verið ljóst lengi að staða okkar er ekki fullnægjandi í lögum og reglugerð sérstaklega þegar kemur að séruppdráttum eða lóðauppdráttum. Það er því mikilvægt að við séum vakandi og tryggjum stöðu okkar gagnvart lögunum.. Hönnunartryggingar skipta litlu eða engu máli þegar á reynir þar sem ekki er gerð krafa um sérteikningar af þessu tagi.

Þetta er stórt hagsmunamál fyrir félaga okkar og hafa Þráinn og Hermann Georg tekið að sér að fylgja þessu máli eftir og nýta sér tengingar inni samark og þar með samtök atvinnulífsins.

Hafnar hafa verið óformlegar aðildarviðræður við AÍ um hugsanlegan samstarfsgrundvöll fyrir sameiningu. Umræður eru komnar skammt á veg en ljóst er að þessi tvö félög eiga margt sameiginlegt. Næsta stjórn mun halda boltanum á lofti og er því mikilvægt að fulltrúar okkar í svokallaðri sameiningarnefnd eða samstarfsnefnd séu góðir samningamenn og hafi góða yfirsýn hvort þessi sameining gæti orðið okkur í hag eða ekki.

1 samkeppni hefur verið haldin á árinu á vegum félagsins, Gufunessamkeppnin.

Það er ljóst að með auknu erlendu samstarfi IFLA og Evrópudeildar þeirra samtaka IFLA Europe er útgjaldaaukning nokkur fyrir félagið og hefur stjórnin ákveðið að 15 % af félagsgjöldum renni beint í ferðasjóð sem mun standa straum af þessum útgjöldum.



FÍLA á 40 ára afmæli árið 2018 þannig að það má segja að félagið hafi slitið barnskónum og sé orðið fullvaxta, en fagið er ungt og er enn í mótun og þá er svo mikilvægt að gera sér grein fyrir hlutverki okkar en það er fyrst og síðast að byggja upp fagurt umhverfi og taka þátt í að þroska og móta nærumhverfi okkar, varðveita náttúru og menningarlandslag eins og kostur er og gera manngert umhverfi vistlegt, hagkvæmt án þess að ganga að óþörfu á vistlæg gæði.

Í tengslum við afmælið höfum við ákveðið að mynda afmælisnefnd því það þarf jú að að halda veglega uppá stórafmælið.

Það hefur verið ánægjulegt að starfa sem formaður í stjórn FÍLA, og hef hef ég reynt af fremsta megni að standa vörð um hagsmuni og velferð þessa félags og átt ánægjulegt samstarf við stjórnar- og nefndarfólk.

Ég var formaður dagsskrárnefndar í 2 ár áður en ég tók við formennsku og finnst því kominn tími til að hleypa öðrum að. Ég mun því ekki gefa kost á mér til frekari formennsku né til stjórnarsetu.

En styrkur félags okkar hefur alltaf verið samstaðan. Við höfum staðið saman eins og ein stór fjölskylda þótt svo að það geti blásið aðeins stundum eins og í öðrum stórfjölskyldum.

Þetta þýðir að sjálfsmyndin okkar er sterk. Við erum öflugur og hæfileikaríkur hópur sem vinnum á breiðu sviði og er það von mín að svo megi sem lengst vera.

Við erum í senn hugrökk og framsækin og ætlum okkur alltaf að ná meiri árangri. Við viljum vera sýnileg og höfum við í stjórninni verið duglegar að minna á okkur ef okkur finnst fram hjá okkur farið.

Ég óska ykkur ykkur kæru Fílar velfarnaðar í framtíðinni um leið og ég þakka fyrir mig.

Berglind Guðmundsdóttir
Formaður

12. Viðaukar:

Skýrslur nefnda og vinnuhópa:

- I. Dagskrárnefnd
- II. Laganefnd
- III. Samkeppnisnefnd
- IV. Menntanefnd
- V. IFLA-fulltrúi
- VI. Fulltrúi FÍLA í Hönnunarmiðstöð
- VII. Orðanefnd
- VIII. Ritnefndarfulltrúar FÍLA
- IX. Garðsöguhópur FÍLA
- X. Siðanefnd

KÝRSLA DAGSSKRÁRNEFNDAR 2016-2017

Dagsskrárnefnd FÍLA veturinn 2016 – 2017 er skipuð þeim Gunnar Óli Guðjónsson, Ólafur Gylfi Gylfason og Heiðar Smári Harðarson.

10. nóvember 2017 - Málþing – Ferðamannastaðir 360°

Haldið var vel heppnað málþing, Ferðamannastaðir 360°, í samstarfi við Arkitektafélag Íslands. Þar var viðfangsefnið hönnun ferðamannastaða í víðu samhengi, allt frá lögum um landsáætlun um uppbyggingu innviða fyrir ferðamenn, stefnumótunar sveitarfélaga, reynslu leiðsögumanna ásamt skipulagi og hönnun ferðamannastaða. Málþingið var haldið í húsnaði Íslenskrar erfðagreiningar og var mæting góð. Boðið var upp á fjölda áhugaverðra og fjölbreyttra erinda, frá meðal annars: Wieteke Nijkrake og Jorrit Noordhuizen, Einari Ásgeiri Sæmundsen, Vilborgu Halldórsdóttur, Örvari Halldórssyni, Þráni Haukssyni, Róberti Ragnarssyni og Degi Eggertssyni.

8. desember 2017 - Jólafundur FÍLA

Jólafundur FÍLA var hadinn og mættu um 20 manns. Dagskráin hófst á Slippbarnum og þaðan var gengið um slippinn og höfnina undir leiðsögn Björns Axelssonar frá Reykjavíkurborg. Aðalheiður E. Kristjánsdóttir sagði einnig frá hönnun Landmótunar á bryggjusvæðinu við Sjóminjasafnið. Þráinn Hauksson fræddi okkur svo um hönnun Landslags við Grandagarð á leið okkar á Cooco's Nest þar sem snæddar voru pizzur og setið fram eftir kvöldi.

19. janúar 2017 – Rýnifundur

Rýnifundur var haldinn vegna samkeppni um framtíðarnýtingu lands og bygginga í Gufunesi. Fundurinn var haldinn í Hönnunarmiðstöðinni.

16. febrúar 2017 - Garðsögufundur

Fundur um störf Garðsöguhóps FÍLA þar sem þemað var menningarminjar sem snúa að landslagsarkitektúr og garðssögu Íslands.

Einar E. Sæmundsen, Auður Sveinsdóttir og Pétur Ármannsson fluttu erindi fyrir fullu húsi í Hönnunarmiðstöðinni, en 20 manns mættu á þennan fund.

30. mars 2017 - Aðalfundur haldinn í Hönnunarmiðstöðinni að Aðalstræti 2.

Stefnt er síðan að árhátíð í apríl-maí og vorgöngu í Reykjavík áður en sumarið gengur í garð.

Laganefnd FÍLA

Skýrsla fyrir starfsárið 2016-2017

Hlutverk nefndarinnar er að fjalla um breytingar á lögum FÍLA auk þess að fjalla um lagaleg erindi sem berast FÍLA og varða lög og reglugerðir frá Alþingi og öðrum stofnunum samfélagsins. Starfsárið 2016-2017 skipuðu nefndina Svanhildur Gunnlaugsdóttir formaður, Margrét Sigurðardóttir og Ingvar Ívarsson.

Nefndinni barst eitt lagafrumvarp til umagnar á starfsárinu.

- Í mars 2017 barst nefndinni erindi um að fara yfir tillögu að breytingu á byggingarreglugerð nr. 112/2012, nánar tiltekið á 3. hluta hennar og nýjum viðauka II við reglugerðina. Viðaukinn fjallar um skoðunarhandbækur og skoðunarlista, m.a. úttektir á hönnunargögnum. Þar er farið nokkuð ítarlega yfir þá þætti sem varða lóð, framsetningu og innihald á aðaluppdráttum. Eftir yfirferð var niðurstaðan sú að nefndin gerði ekki athugasemdir við breytinguna.
- Nefndin tók til skoðunar tillögu að breytingu á lögum um framkvæmdasjóð ferðamannastaða. Nefndin gerði ekki athugasemdir við breytinguna.
- Á síðasta aðalfundi félagsins, 17. mars 2016, lagði formaður laganefndar fram tillögu að breytingu á lögum félagsins. Breytingin varðaði 2. gr. laganna, sem fjallar um markmið þeirra, auk þess sem lögð var fram tillaga að nokkrum minniháttar breytingum á einstökum greinum sem aðallega voru orðalags- og málfarsbreytingar og voru þær samþykktar. Varðandi 2. gr. laganna lagði nefndin til að skerpt yrði á þeim atriðum sem sneru að samfélagslegu hlutverki félagsins og skyldum þess gagnvart félagsmönnum og náði breytingin einnig til hugtakanotkunar er varðar hlutverk og viðfangsefni landslagsarkitekta. Horft var til sambærilegra laga hjá norsku, sænsku og dönsku systrafélögum FÍLA. Nokkrar umræður urðu á fundinum og í kjölfarið ákveðið að taka breytingu á 2. gr. laganna ekki til atkvæðagreiðslu heldur fresta málinu og vinna það frekar. Skemmst er frá því að segja að laganefnd hefur ekki fjallað frekar um málið síðan þá. Breytingin er ekki beint aðkallandi en þó tímabær og er það ósk nefndarinnar að málið verði tekið aftur til umfjöllunar meðal félagsmanna á almennum fundi á komandi starfsári.

Selfossi, 28. mars 2017, fyrir hönd laganefndar
Svanhildur Gunnlaugsdóttir, formaður laganefndar FÍLA

SKÝRSLA SAMKEPPNISNEFNDAR 2016-2017

Í stjórn samkeppnisnefndar eru Hlín Sverrisdóttir, Ólafur Melsted og Inga Rut Gylfadóttir. Eftir síðasta aðalfund var ákveðið að Hlín tæki við af Ingu Rut sem formaður nefndarinnar.

Samkeppni Gufunesi

Helsta verk nefndarinnar á starfsárinu var að standa fyrir hugmyndasamkeppni í samstarfi við Reykjavíkurborg um skipulag á Gufunessvæðinu sem var forvalssamkeppni með 6 þverfaglegum hópum. Úrslit voru tilkynnt rétt fyrir jólin 2016 og í framhaldi stóð FÍLA fyrir rýnifundi í Hönnunarmiðstöðinni. Þessi samkeppni þótti heppnast ágætlega og enn og aftur lærði nefndin heilmikið á ferlinu sem vonandi mun nýtast í komandi samkeppnum.

Fundur FÍLA og AÍ

Í apríl 2016 hitti samkeppnisnefndin ásamt formanni FÍLA, framkvæmdastjóra AÍ ásamt formanni samkeppnisnefndar og formanni félagsins. Var tekin umræða um samstarf félaganna þegar kemur að því að skiptast á dómnefndarfulltrúum. Fannst okkur nauðsynlegt að taka þessa umræðu um eldra heiðursmannasamkomulag milli félaganna eftir nokkrar mannabreytingar hjá AÍ í stjórnunarstöðum. Var niðurstaða fundarins að halda þessu samstarfi áfram eftir því sem kostur gæfist.

Samningur við Hönnunarsafn

Þegar kom að því að afhenta Hönnunarmiðstöð gögn Gufunessamkeppninnar þá vildi forstöðumaður Hönnunarmiðstöðvarinnar að félagið og miðstöðin gerðu með sér samning um varðveislu á gögnum. Búið er að gera uppkast að samningi og bíðum við eftir fundi til að klára málið sem hefur dregist vegna þess að forstöðumaðurinn er að fara til annarra starfa. Vonumst við til þess að hægt verði að klára þessi mál fljótlega eftir að nýr aðili er tekinn við starfinu.

Kynningarbréf til skipulagsfulltrúa í Íslandi

Samkeppnisnefndin hefur samið bréf sem ætlunin er að senda á alla 75 skipulagsfulltrúa sveitarfélaga á landinu á næstunni. Í bréfinu er kynning á þjónustu félagsins að aðstoða við samkeppnishald. Fannst okkur þetta nauðsynlegt í ljósi þess að trúlega vita fáir í sveitarfélögum landsins af þessum nýju samkeppnisreglum okkur og vonumst við til þess að fleiri samkeppnir komi til FÍLA í framhaldi.

Hlín Sverrisdóttir

Formaður samkeppnisnefndar

Er þörf á fjölbreyttum hugmyndum fyrir svæði í þínu sveitarfélagi?

Félag íslenskra landslagsarkitekta (FÍLA) vill vekja athygli sveitarfélagsins á þjónustu sem félagið veitir varðandi hugmynda-, hönnunar- og skipulagssamkeppnir.

Fyrir nokkrum árum lét félagið semja samkeppnisreglur sem þegar hafa verið notaðar í opnum hugmynda- og forvalssamkeppnum fyrir nokkur sveitarfélög með góðum árangri. Á grundvelli samkeppnisreglnanna hefur félagið aðstoðað sveitarfélögin við að ákveða fyrirkomulag og framkvæmd samkeppna ásamt því að útvega trúnaðarmann og sérhæfða dómnefndarmenn. Jafnframt hefur FÍLA auglýst samkeppnirnar meðal faglærða aðila og tryggt þannig góða þátttöku.

Félag íslenskra landslagsarkitekta, FÍLA, var stofnað árið 1978 og eru nú tæplega 100 meðlimir í félaginu. Félagsmenn vinna á breiðu sviði við hönnunar, skipulags og stjórnun bæði í þéttbýli og dreifbýli. Landslagsarkitekta eru sérfræðingar sem vinna við það að varðveita náttúru og menningarlandslag, að gera mannert umhverfi í þéttbýli og dreifbýli vistlegt, hagkvæmt og fallegt og vinna jafnframt náið með öðrum fagsstéttum s.s. arkitektum og skipulagsfræðingum.

Frekari upplýsingar er hægt að fá á heimasíðu félagsins, <http://fila.is>
Fyrir hönd Félags íslenskra landslagsarkitekta,

Berglind Guðmundsdóttir Formaður FÍLA
Hlín Sverrisdóttir Formaður samkeppnisnefndar FÍLA



Hugmyndasamkeppni um skipulag Gufunes



SKÝRSLA MENNTANEFNDAR 2016-2017

Menntanefnd FÍLA veturinn 2016-2017 var skipuð Sigurbjörgu Ósk Áskelsdóttur formanni, Fríðu Björgu Eðvarðsdóttur ritara og Ragnari Frank Kristjánssyni.

Verkefni menntanefndar á liðnu ári var:

- **Umsagnir vegna löggildingar á starfsheiti.** Engar umsóknir bárust til yfirferðar á starfsárinu.
- **Reglur um starfsheiti til lðnaðarráðuneytis.** Fyrir liggja drög að reglum um mat á umsóknum um leyfi til að kalla sig landslagsarkitekt. Mikilvægt er að þær verði staðfestar af ráðherra Atvinnuvega- og nýsköpunarráðuneytisins og birtar í Stjórnartíðindum. Nefndin hefur reynt að skapa sér yfirsýn yfir stöðu mála varðandi ástæðu þess að reglurnar hafa ekki verið staðfestar. Af því tilefni hefur nefndin verið í samband við ráðuneytið og Þórhildi Þórhallsdóttir, IFLA fulltrúi FÍLA. Vinnan er enn í gangi og vonast nefndin til að hægt verði að ljúka vinnunni gagnvart ráðuneytinu á komandi starfsári.
- **Fundir menntanefndar.** Nefndin hefur haldið 3 fundi þar sem fjallað var um reglur um starfsréttindi á fagsviðinu. Kallað var eftir upplýsingum frá LBHÍ um útskrifaða nemendur. Fundað var með Þórhildi Þórhallsdóttur sem er IFLA fulltrúi FÍLA. Fulltrúi menntanefndar tók þátt í fulltrúafundi FÍLA í september 2016.

Fleira gerðist ekki á starfsárinu.

SKÝRSLA FULLTRÚA FÍLA Í RITNEFND LANDSKAP 2016-2017

Undanfarið starfsár sendi ég upplýsingar um stjórnarskipan FÍLA til ritstjóra Landskab. Ég tók þátt í rannsóknarferðalag til Flórens í Toscana héraði í september 2016 þar sem við kynntum okkur heimspeki renæssancerinnar og görðum Medici ættarinnar. Tvær greinar eftir mig munu birtast í næsta Landskab sem mun fjalla um renæssance garða.

Ég þýddi grein úr íslensku í dönsku sem mun birtast í Landskab.

Ég býð mig fram sem fulltrúi FÍLA í ritnefnd Landskab.

KveðjaUlla

SKÝRSLA IFLA FULLTRÚA 2016-2017

Aðalfundur IFLA Europe var haldinn 14.-16. október í Brussel í Belgíu. Upphaflega átti fundurinn að vera í Istanbul í Tyrklandi en sökum síendurtekinnna sprengjuárása og einræðistilburða í landinu var ákveðið að færa aðalfundinn til Brussel en þar eru höfuðstöðvar IFLA. Af þessum sökum var engin ráðstefna haldin í tengslum við aðalfundinn eins og oft áður. IFLA fulltrúi FÍLA, Þórhildur Þórhallsdóttir sótti fundinn, ásamt Hermann Georg Gunnlaugssyni sem gegnir embætti Vice President of Professional practice og situr í stjórn IFLA Europe. Einnig voru mættir um 70 aðrir fulltrúar frá 30 löndum.

Aðalfundurinn stóð yfir í tvo daga og eins og helsta niðurstaðan er sú að Evrópuhluti félagsins stendur vel að vígi hvað varðar skipulag, fjárhag og samskipti. Áhersla er lögð á að kynna og styrkja fagið á breiðum grunni, bæði hjá þeim sem starfa við fagið en einnig við menntastofnanir. Nokkrir vinnuhópar eru í gangi en fjarlægðir hafa oft áhrif á hve mikið ávinnt innan hópanna. Ef einhverjir félagsmenn FÍLA hafa áhuga á að taka þátt í starfi IFLA með því t.d. að starfa með vinnuhópum þá er margt í boði og viðkomandi hvattur til að setja sig í samband við IFLA fulltrúa FÍLA. Í vinnuhópunum er algengt að þar séu einstaklingar sem starfa á mismunandi sviðum IFLA. Eitt af því sem IFLA Europe leggur áherslu á að sinna vel er að auka sýnileika fagsins í ýmsum verkefnum á alþjóðavísu. Má þar nefna verkefni eins og No net loss og Green infrastructure hjá Evrópuráðinu http://ec.europa.eu/environment/nature/biodiversity/nnl/index_en.htm og http://ec.europa.eu/environment/nature/ecosystems/index_en.htm. Þegar eru haldnir fundir eða ráðstefnur um þessi málefni hjá Evrópuráðinu sendir IFLA sinn fulltrúa og hafa Þjóðverjar og Ísraelar verið sérlega duglegir að mæta og tala fyrir málefni landslagsarkitekta. Annað mál sem IFLA leggur mikla áherslu á að sinna eru Evrópski landslagssáttmálinn en nú í mars var m.a. haldin fundur hjá Evrópuráðinu í Strassborg þar sem skoðað var hvaða áhrif samningurinn hefur haft varðandi innleiðingar í stjórnkerfi. Nánar má lesa um fundinn ásamt því að fá fréttir að gengi ELC hér <http://www.coe.int/en/web/landscape/-/9th-council-of-europe-conference-on-the-european-landscape-convention>.

PQD: Áfram er unnið að því að fá fagið samþykkt hjá Evrópusambandinu. Verkefninu miðar áfram hægt en Evrópusambandið gerir kröfu um að starfsheitið sé lögverndað eða ákveðnar reglur og eftirlit með faginu af hálfu yfirvalda séu í minnst 1/3 af þeim löndum sem tilheyra sambandinu. Það er nokkuð í að sá árangur náist. Eins og sakir standa er starfsheitið lögverndað í eftirfarandi löndum: UK, Þýskalandi, Hollandi, Ítalíu, Slóvakíu, Ungverjalandi og á Íslandi. Frakkland og Austurríki eru langt komin með að vinna að lögverndun starfsheitisins og mörg önnur lönd vilja fara þá leið. Starfsheitið er ekki lögverndað á hinum Norðurlöndunum.

Undanfarin ár hefur það orðið að venju að aðalfundurinn samþykki ályktun sem gefin er út að fundi loknum. Efni ályktarinnar að þessu sinn var Urban landscapes og er ályktun sett með sem viðhengi og má einnig lesa á heimasíðu IFLA Europe.

Félagsmenn eru hvattir til að skoða heimasíður IFLA og undir síðu IFLA Europe en þar eru settar reglulegar fréttir um hvað er að gerast í samtökunum, upplýsingar um alþjóðlegar ráðstefnur, hvers kyns viðburði og samkeppnir: <http://iflaonline.org/> og <http://iflaeurope.eu>

Aðalstyrktaraðili IFLA Europe er sem fyrr Van der Berk og var þeim þakkað sérstaklega. Aðildarlönd að IFLA Europe eru sem fyrr 34

IFLA Europe styrkir The Landscape Architecture Europe Foundation (LAE) sem er verkefni stofnað af EFLA á sínum tíma. Meginmarkmiðið er að gefa út bækur um Evrópskan landslagsarkitektúr. Nánar má lesa um verkefnið og panta bækur á heimsíðunni: <https://www.landscapearchitectureeurope.com/> Stefnt er á útgáfu næstu bókar 2018 og verður það fimmta bókin. Enn er hægt að tilnefna verkefni í bókina og rennur frestur til þess út 15. Maí 2017.

Stjórn IFLA Europe er:

- Tony Williams frá Írlandi formaður (President)
- Marc Claramunt frá Frakklandi gjaldkeri (Treasurer)
- Urszula Forchek-Brataniec frá Póllandi Danmörku ritari (Secretary general)
- Emilia Weckman frá Finnlandi formaður menntanefndar (Vice President Education)
- Hermann Georg Gunnlaugsson formaður fagnefndar (Vice President Professional Practice)
- Laure Aubert frá Þýskalandi formaður samskiptanefndar (Vice President Communication)

Næstu fundir verða:

Aðalfundur IFLA Europe:

2017 – Rúmenía – 2.-4. júní

2018 –England

IFLA World Congress

2017 – Kanada, Montreal

2018 –

2019 - Noregi



Myndir frá aðalfundi: Á efri myndum að dæma er hægt að fá þá hugmynd að fundir þessir séu í þurrari kantinum. Sú er þó alls ekki raunin. Umræðuefnin eru mjög áhugaverð og á milli funda á sér stað spjall milli fulltrúa landanna þar sem samanburður og staða fagsins í löndunum er mikið til umræðu. Á kvöldin eru svo smakkaðir þjóðarréttir hvers lands, hér vorum við Belgíu og þá var að sjálfsögðu smakkaðar franskar kartöflur með belgískum bjór.

Neðri mynd til hægri: Hermann Georg ásamt formanni IFLA Europe, Íranum Tony Williams á góðri stundu.

IFLA fulltrúi FÍLA
Þórhildur Þórhallsdóttir

Hönnunarmiðstöð Íslands 2016 - 2017

Starfsemi Hönnunarmiðstöðvar hefur verið í megindráttum með líku sniði og undanfarin ár fyrir utan töluvert umstang og umsýslu sem hefur fylgt í kjölfar flutninga. En miðstöðin færði sig um set í Aðalstræti 2. Áhersla hefur verið á að leigja út laus rými hússins sem nú eru nánast öll komin í útleigu. Aðalfundur HM verður haldinn í maí og munu nánari upplýsingar og viðfangsefni hennar aðgengilegar í skýrslu sem gefin verður út fyrir starfsárið 2016 – 2017 og lagt fyrir á aðalfundi stöðvarinnar.

Hönnunarmiðstöð

Hönnunarmiðstöð er kynningar- og upplýsingamiðstöð fyrir íslenska hönnun og arkitektúr á Íslandi og erlendis, níu fagfélög eru eigendur hennar það er mikilvægt fyrir okkur sem félag að taka þátt í þessu samstarfi og ástæða til að undirstrika að FÍLA er einn af eigendum Hönnunarmiðstöðvar. Mikilvægt mikilvægasta hlutverk miðstöðvarinnar er m.a. fræðsla, stuðningur, kynning og aðstoð við okkur sem eigum hlutdeild í miðstöðinni.

Hutverk

Á heimasíðu Hönnunarmiðstöðvar eru hlutverk og verkefni miðstöðvarinnar kynnt:

Kynning

- Kynningarmiðstöð hönnunar og arkitektúrs á Íslandi
- Vekur athygli á framúrskarandi íslenskri hönnun erlendis
- Rekur öflugan vef á íslensku og ensku um íslenska hönnun og arkitektúr
- Stuðlar að faglegri umfjöllun um hönnun og arkitektúr
- Greiðir fyrir markaðssetningu og útflutning íslenskrar hönnunar

Ráðgjöf

- Mótar hönnunarstefnu með stjórnvöldum
- Veitir hönnuðum ráðgjöf um vöruþróun, framleiðslu, ímyndaruppbyggingu og útflutning
- Styður sprota- og frumkvöðlafyrirtæki með takmarkað fjármagn og þekkingu til að koma sér áfram
- Veitir fyrirtækjum og stofnunum ráðgjöf um hönnunartengd verkefni

Nýsköpun

- Leiðir hönnuði og fyrirtæki saman í nýsköpunar- og vöruþróunarverkefnum
- Vinnur að því að auka fjármagn til þróunar hönnunarfyrirtækja

Samstarf

- Myndar tengsl á milli greina og hvetur til samstarfs og umræðu
- Stuðlar að auknum mælingum og rannsóknarvinnu varðandi umfang og vöxt hönnunargeirans
- Ýtir undir fræðslu í markaðsmálum, verkefnastjórnun og framleiðslu

Viðburðir

- Stendur fyrir fyrirlestrum, sýningum, ráðstefnum og Hönnunar Mars

Hönnunarmiðstöð hefur vaxið og dafnað, nú á árinu færðist starfsemi stöðvarinnar í nýtt húsnæði að Aðalstræti 2. Þrátt fyrir umróta tímum og miklu álagi hefur tekist að halda kraftmikilli starfsemi með útsjónarsemi og hagkvæmni, því fjárframlög til miðstöðvarinnar hafa ekki verið í samræmi við verkefni eða mikilvægi þeirra fyrir íslenskt samfélag og þar með talið okkur í félaginu okkar FÍLA

Stefnumótunarfundir hönnunarmiðstöðvar

Tveir stefnumótunarfundir eru fyrirhugaðir á árinu. Annar hugsaður fyrir stefnu og framtíðarsýn hönnunar mars og hinn fundurinn er um framtíðarsýn HA-tímaritsins.

Hönnunarverðlaun

Hönnunarverðlaun Íslands voru afhent í þriðja sinn þann 6. Október var athöfnin haldin í safnahúsinu. Í þetta sinn voru veitt verðlaun í tveimur flokkum, hönnunarverðlaun íslands og besta fjárfesting ársins 2016

Hátt í 100 tilnefningar bárust dómnefnd sem tilnefndi fjögur verkefni sem þóttu sigurstranglegust. Verkefnið sem þótti skara framúr að mati dómnefndar og hlýtur Hönnunarverðlaun Íslands 2016 er As We Grow. Viðurkenningu fyrir bestu fjárfestingu í hönnun 2016 hlaut fyrirtækið Geysir.

Hönnunarsjóður

Hönnunarsjóður heyrir undir atvinnuvega- og nýsköpunarráðuneyti. Tekjustofn sjóðsins er árlegt framlag sem Alþingi ákveður á fjárlögum. Frá fyrstu úthlutun hefur fjöldi umsækjenda verið mikill og margvísleg verkefni hafa hlotið styrk úr sjóðnum. Árið 201

<http://sjodur.honnunarmidstod.is/>. Þróunar- og rannsóknarstyrkir eru ætlaðir til að styrkja rannsóknir og þróun nýrra hugmynda eða lausna

Hönnunarmars 2015 og 2016

Hátíðin fór fram í níunda sinn dagana 23-26 mars. Ríflega 100 viðburðir eru á dagskrá hátíðarinnar ár hvert. Þar á meðal voru sýningar, fyrirlestrar, uppákomur og innsetningar. Á Höfnunarmars sameinast allar greinar hönnunar; fatahönnun, arkitektúr, húsgagna- og innanhússhönnun, grafísk hönnun og vöruhönnun. FÍLA tók ekki þátt í þetta sinn sem fagfélag en ýmsir fulltrúar FÍLA tóku þátt í hátíðinni víðsvegar um bæinn.

Fræðsla og kynningarstarf

Fastir liðir í starfi Hönnunarmiðstöðvar eru birtir í dagatali á heimasíðu, allir viðburðir eru kynntir á heima- og facebooksíðum og fréttabréf eru send út reglulega.

Fyrirlestraröð

Fjöldi áhugaverðra fyrirlestra hefur verið haldinn á s.l starfsári, má þar nefna m.a. SmallTalks en þeir fyrirlestrar hafa verið haldnir í Hörpu í vetur.

Upplýsingar á heimasíðu

Síða Hönnunarmiðstöðvar <http://www.honnunarmidstod.is/Forsida/> geymir mikið af upplýsingum varðandi allt er snertir hönnun og sífelld er bætt í þann gagnabanka bæði í texta og upptökum m.a. frá áhugaverðum fyrirlestrum og fundum. Á heimasíðunni eru einnig fyrirmyndir að samningum - yfirlit yfir styrki - sjóði - hönnunarnám - ráðstefnur og sýningar, hagnýt ráð o.fl.. Enn er rætt um breytingar á heimasíðu þar sem að áhugi aðildarfélaganna á sameiginlegri heimasíðu fyrir alla var fyrir hendi og er á stefnuskrá miðstöðvarinnar.

Útgáfa tímarits – ha

Nokkuð er síðan hugmynd um útgáfu sameiginlegs tímarits um íslenskan arkitektúr og hönnun kom fram en það var á verkefnafundi Hönnunarmiðstöðvar í júní 2013. Árið 2014 var samningur um útgáfuna undirritaður af fulltrúum félaganna og Hönnunarmiðstöð þar sem samþykkt var að gefa út 3 tölublöð til reynslu. Hvert félag skipaði einn fulltrúa til að sinna málefnum tengdum útgáfunni, fulltrúi FÍLA er Svava Þorleifsdóttir. Þrír úr fulltrúahópi félaganna mynda ritstjórnarhóp og gæta hagsmuna allra félaganna en sex manns eru í bakhóp ritstjórnar, Hönnunarmiðstöð sá um ráðningu ritstjóra.

Tvö HA-tímarit hafa verið gefin út á árinu. Hefur útgáfa þeirra ekki skilað sér eins og stefnt var að en stefnumótunarfundur verður haldinn á vormánuðum þar sem að framtíð og tilgangur blaðsins verður mótað.

GARÐSÖUGHÓPUR FÍLA

Starf hópsins veturinn 2016-17 hefur verið öflugt. Þessi ársskýrslan spannar tímenn milli aðalfunda í mars 2016 - 1.mars 2017. Fundir hjá hópnum hafa verið haldnir reglulega alls milli 10-12 fundir. Einnig hafa verið haldnir sérstakir fundir vegna vinnu við verkefni okkar um verndarviðmið vegna friðlýsingu gamalla garða. Skömmu eftir síðasta aðalfund FÍLA barst frétt um að umsókn okkar til Fornleifasjóðs hafi hlotið góðar móttökur og var Garðsöguhópnum veitt 1,5 mill. í styrka.

Árið hjá hópnum hefur síðan verið markaður af vinnu í málinu.

Um styrkinn

Okkur barst ekki staðfesting á styrknum fyrr en í ágúst svo við fórum frekar hægt af stað. Við gerðum okkur ekki í hugarlund þegar við sóttum um styrkinn að við fengjum hann í fyrstu umsók, það kom okkur því dálítið á óvart. Við þurftum þess vegna að kasta okkur af stað í verkefnið. Lokaskil áttu að vera fyrir lok árs 2016. En fljótlega varð okkur ljóst að það gengi ekki upp og var sótt um framlengingu á vinnutíma hópsins til að skila afsér lokaskýrslu. Eru lokaskil áætluð 1.júlí 2017.

Upplýsingaöflun hópsins

Á fyrstu fundum var rætt um vinnuáætlun og ákveðið að taka nokkra undirbúningsfundi í maí til þess að hrinda verkefninu á stað. Sumarið er ekki tími margra funda en haft var samband við kollega í Danmörku og leitað ábendinga um álitlega ráðgjafa til að læra af.. 16.september áttu Einar og Þórhildur fund með Liv Ostrup landslagsarkitekt hjá Slots- og Kulturstyrelsen í Kapmannahöfn. Stofnunin má að nokkru líkja við Minjastofnun okkar. Fengum ýmis gögn um friðlýsingaferla hjá stofnuninni sambærilega og friðlýsingaskjöl sem Minjastofnun útbýr. Eins var rætt við Minjastofnun Pétur H.Ármannsson og Agnesi Stefánsdóttur og leitað nánari upplýsinga um aðferðafræði almennt við friðlýsingar. Í febr. s.l. átt Einar síðan fund í Danmörku með fulltrúum áhuga félaga umminjavernd. Hiti þar Kirsten Lund –Andersen landslagsarkitekt og Nönnu Uhrbrant arkitekt á skrifstofu hjá Landsforeningen for bygnings- og landskabskultur. Einnig fundur með ritara Havehistorisk selskab hjá Lisbeth Brorsen arkitekt. En bæði þessi áhugamannafélög eru mjög virk í útnefningu vegna friðunnar gamalla garða.

Um vinnu hópsins

Hópurinn hefur lagt vinnu í að þróa skráningarblöð vegna mats á verndargildi gamalla garða. Er það leið sem hefur gefist vel við skráningu gamalla húsa. En margt fleira er nauðsynlegt að skoða. Samkvæmt því danska vinnulagi sem við höfum aflað okkur upplýsingar um þá eru nokkur grunngildi sem lögð er áhersla á sérstaklega þegar kemur að lokaákvörðun um friðun þ.e.a.s.

- *Umhverfisgildi (miljömessig værdi).*
- *Menningarsögulegt gildi (kulturhistorisk værdi).*
- *Byggingarlistasögulegt gildi (arkitektonisk værdi).*
- ***Megin verndargildi staðarins (bærende fredningsværdi).***

Auk þess er áhersla á: *Verndar- umhirðuáætlun*

Kynning á starfi garðsöguhópi FÍLA

Þann 16.febrúar efndi hópurinn til kynningar á sér fyrir FÍLA félaga og því starfi sem fer fram í hópnum. Góð mæting kringum 20 manns.Þau Auður og Einar kynntu störf hópsins. Pétur H. Ármannsson kynnti friðlýsingaferlið og tillögu Minjastofnunar að friðlýsingu nokkurra garða. Ennfremur var EES með kynningu á fyrirhugaðri bók um garðsögu sem kemur út í sumar.

Tillaga Minjastofnunar að friðlýsingu 10 gamalla garða

Minjastofnun Pétur H. Ármannsson hefur tekið saman fyrstu tillögur að friðlýsingu 10 merka íslenskra garða, rökstuðningur með friðlýsingartillögum fyrir víðsvegar á landinu. Rökstuðningurinn byggir á greinargerð garðsöguhópsins Verndargildi gamalla garða frá því des. 2014.

Drög frá Minjastofnun Íslands 4. janúar 2017 í samráði við Garðsöguhóp FÍLA.

1. SKRIÐA Í HÖRGÁRDAL
2. HÓLAVALLAGARÐUR Í REYKJAVÍK
3. ALÞINGISGARÐURINN / 1893-1895.
4. SKRÚÐUR Á NÚPI Í DÝRAFIRÐI / 1909
5. LYSTIGARÐUR AKUREYRAR / ELSTI HLUTINN / 1912
6. HELLISGERÐI Í HAFNARFIRÐI / 1922
7. SKALLAGRÍMSGARÐURINN
8. HALLARGARÐURINN V. FRÍKIRKJUVEG / 1954
9. GRAFREITUR Í GUFUNESI / 1970.
10. LÓÐ ÞJÓÐARBÓKHLÖÐUNNAR

Að lokum

Stefnt er að því að skila Minjastofnun fyrir lok júní fyrstu drög að tillögum að verndarviðmiðum vegna gamalla garða.

ees

ORÐANEFND FÍLA

Orðanefnd Fíla skipa þau Auður Sveinsdóttir, Áslaug Traustadóttir og Yngvi Þór Loftsson.

Á aðalfundi Fíla í fyrra (2016) var greint frá könnun sem gerð var meðal félagsmanna. Niðurstöður hennar sýndu að notkun á orðabankanum var mjög takmörkuð.

Segja má að sú vitneskja hafi dregið talsvert úr bæði krafti og áhuga nefndarinnar á þessu ári.

Rætt var hvernig hægt væri að halda áfram starfi nefndarinnar því það er sannfæring okkar nefndarmanna að full ástæða sé til og ekki vanþörf á að vinna í orðabanka fyrir okkar fag, landslagsarkitektúr.

Spurningin er samt sem áður hvernig best er að standa að þeirri vinnu og teljum við að rétt sé að það verði tekið til umræðu meðal félagsmanna.

Til greina kemur að hvetja félagsmenn til að senda okkur í nefndinni orð/ hugtök sem ástæða er til að öðlist íslenskt heiti – sem við reyndum síðan að vinna úr og birta .

Allar tillögur um framhaldslif orðanefndar eru því vel þegnar!

Fh. Orðanefndar
Auður Sveinsdóttir formaður

Skýrsla siðanefndar FÍLA 2016-2017

Engin mál komu til umfjöllunar hjá siðanefnd á starfsárinu.